

Diudah Gyaeundei

美丽的小河



Youq henz mbanj gou miz diuz dah iq he, daengx bi cungj dwg sawndikndik, yawj ndaej raen daejdah cingcing cujcu. Mwh iq, gou couh nyinhnaeuz gizhaenx dwg giz dieg ceiq gyaeundei ceiq vaiqvued.

Seizcin ciengz fwn daih'it gvaq le, doenghgiy faex nywj gomiuz cungj didngaz majhung lo. Ndaw dah hix ciemhciemh nauhyied lo. Geij go nywjraemx heuoiq youq ndaw raemx cengh lumj gingq nei menhmenh diuqfoux, lumj dah sau dwgyaez he. Duzrug iq ngamq seng okdaeuj lumj aen douhau nei, doiq aen daswyenz neix gig geizheih, duzde youq ndaw raemx mbouj seiz yawjyawj gizneix muenghmuengh gizhaenx, mboujseiz bungqbungq gizneix daemjdaemj gizhaenx dwk youz bae youz dauq. Gou maij gip aeu gak cungj rin yienghceij mbouj doengz haenx baeuh roengz raemx bae, ngauez gofaex youq ndaw "gingq"

ciemhciemh myoxmyoet lo, najraemx doenghyubyub, sinz hwnj fouzsoq naedraemx lumj naedcaw nei. Doengzseiz hix ging-doengh daengz duzbya, duzbya youq ndaw raemx doeng bungq sae daemj.

Seizhah, aenvih deng ndit dak, go-nywj naiqnuk unqnem, rumz hix dingz youq mbouj ci lo, hoeng ndaw dah cix ciuqyiengh nauhnauh yiedyied. Ndawdah nywjraemx mwncup, lumj fouzsoq saiheu nei, "nyumx" diuzdah baenz diuz dah heu ndeu. Duzrug gaenq maj ok lwgga saeqraez, gyoengqde angqvauvau youq ndaw dah ndonj bae ndonj dauq. Duzbya cix mbouj leix gyoengqde, youq ndaw dah menhmenh youz dwk, mbouj gaenj mbouj menh.

Seizcou, youq sing duzbid coi haenx daeujdaengz lo. Nywjraemx daenj hwnj buh henjgim, aeu raemxdah ingj dwk henjrwgrwg, sawj vunz simmaez dangqmaz. Geij mbaw mbawfaex loengq roengz deng rumz ci mbin'yagyag menhmenh diuq-foux, doeklaeng coemj haeuj ndaw rungj diuzdah bae. Seizhaenx najraemx vava loegloeg: Miz saek nding, miz saek henj, miz saek henjgim..... ndei yawj raixcaix. Aen makndae henjcug he "bum" sing he doek roengz dah bae. gyoengq lwgbya humx aen makndae angqvauvau gwn dwk. Duzrug youq gizlawz ne? Yawj, gyoengqde gaenq majhung lo, doenghgiy goep henz dah haenx couhdwg duzrug maj baenz.

Mbouj geijnanz, seizdoeng youh lawh seizcou lo. Naj raemxdah giet baenz nae, gou youq gwnz nae rod bae rod dauq, mizyinx dangqmaz. Miz seiz gou aeu nae dub soi q vat aen cong h he, siengj yawjyawj duzbya ninz youq gizlawz.

Neix couhdwg diuzdah gyaeundei mbanjranz gou!

(haj nienzgaep Minz Yungyiz)



Gaeb Biengzbeih

捉蜻蜓

Ngoenzneix, gou youq ndaw suenbyaek gaeb ndaej duz biengzbeih he, gou dawz de cuengq haeuj aen bingz he bae.

Gou fatyienh duz biengzbeih neix gwnz ndang miz raizndaem caeuq raizhenj, song mbiengj maj miz doiq fwed he, mwh biengzbeih mbin lumj gyaq feihgih iq he. Aen'gyaeuj biengzbeih gig hung, lumj daenj aen mauhmazdozceh he. Doiq da luenzgyaeq doed okdaeuj haenx gig yinx vunz cimyawj. Gou geiq ndaej gou youq ndaw saw yawj gvaq, baihdaw aenda hung biengzbeih miz baenz cien baenz fanh aenda iq bw! Sei q doiq ga biengzbeih youq ndaw bingz mbouj dingz doengh bae doengh dauq, lumj dwg naeuz: "Vaiq cuengq gou okbae! Vaiq cuengq gou okbae!" Daxmeh yawjraen le, gipmuengz byaij gvaqdaeuj, naeuz: "Biengzbeih dwg non'ik, mwngz mbouj wnggai gven de youq ndaw bingz." Aennaj gou sawqmwh nding lo, ndawsim gag siengj: Dwg ha, biengzbeih dwg non'ik, gou gaeb de daeuj, mbouj couhdwg hawj baenz cien baenz fanh duz nonhah buetdeuz ha? Yienghneix, gou dawz aenbingz daeujdaengz bakdou ranz, hai fabingz bae, biengzbeih sikhaek mbin okdaeuj, youq byonghmabwn mbin geij gien, lumjbaenz caeuq gou doxbiek nei, gou vad fwngz coh biengzbeih, naeuz: "Caiqraen, biengzbeih, muengh mwngz lailai gaeb nonhah, vih doenghgo guh'ok gungyen hung." Duzbiengzbeih lumj fagna q nei mbin haeuj ndaw rungj daswyenz bae.....

(seiq nienzgaep Mungz Yiz)

Duzdouq diuq ndaej sang yat ndaej gya, noucoengz gig boiqfug. Ngoenzneix, noucoengz cingj duzdouq daeuj gwnz gaiq diegrum ndeu son de buet diuq.

Songde duz ndeu son, duz ndeu hag, cingq gig nyinhcaen. Sawqmwh, "dida dida" raq sing yiengj ndeu daj gya daengz gyawj, lij caengz caj songde singjsak, duz loegraiz ndeu fwt cung gvaqdaeuj, cadi daemh deng diuzrieng raezrangrang mboengfeng-feng duzdouq.

Loegraiz fwt raen duzdouq caeuq noucoengz, ganjgip sou din, gwnz gyauej doiq gaeu youh raez youh naek haenx coh laeng baez ngiengx, sup dingz roengzdaeuj.

Duzdouq gig hozndat, bungj diuzrieng raez swheij hwnjdaeuj rub le youh rub, naeuz: "Mwngz miz doiq gaeu raez caeuq dauq buh va couh dasang lai luma? Luenh cung luenh daemj!"

Loegraiz najnyaenq naeuz: "Doiq mbouj hwnj, haxbaenh, aenvih duzug yak ndeu yaek hangz gou, gou cij buet ndaej baenzneix vaiq."

Duzdouq ndaeng baez ngwt, naeuz: "Mwngz buet ndaej vaiq? Vaiq

Duzdouq Caeuq Duzma

兔子和狗



gvaq gou lwi?"

Duz ma ndeu cingqngamj byaij daengz gizneix, dingqnyi le, couh naeuz: "Byawz buet ndaej vaiq, beijbeij couh rox lo."

Yienghneix, duzdouq caeuq loegraiz couh doxdax buet.

Duzma guh caizbuenq, genj giz miz cazoen haenx guh lohbuat. Seizneix, duzma caegcaeg doiq duz-

douq naeuz: "Diuzrieng mwngz raez lai, haengjdingh nguh doxdax, aeu sijndaej gvej bae cij ndaej." Duzdouq couh hawj de bang raed gyaengh rieng raez ndeu bae, cij louz di goekrieng dinjdetdet.

Hainduj doxdax lo, loegraiz seiq ga raez diuqdiuq yatyat, yaep ndeu couh buet bae baihnaj lo, hoeng, daengz giz cazfaex, deng nyefaex diuzgaeu ngaueu deng gaeu lo, baenzlawz hix cak mbouj ndaej okdaeuj. Duzdouq youh yat youh ndonj, yaep ndeu couh buet daengz giz satbyai.

Duzma angqhoh duzdouq, naeuz: "Danghnaeuz gou mbouj genj gizdieg neix guh lohbuat, mbouj bang mwngz raed gyaengh rieng bae, mwngz baenzlawz ndaej hingz ne." Duzdouq cingq bungj gyaengh rieng goeng haenx sim'in, dingq duzma baenz-

neix gangj, couh mbe'mbe bak naeuz: "Gou dwg baengh bonjsaeh ndaej hingz, danghnaeuz mbouj miz mwngz, gou lij mbouj saet bae diuzrieng gyaeundei ne!" Duzma baez dingq, hozndat lo, naeuz: "Mwngz danghnaeuz miz bonjsaeh, raez hix daeuj doxdax ba!" Duzdouq ndaengndiengq naeuz: "Doxdax miz maz nanz, gou buet gonq, mwngz gyaep ndaej dawz gou, gou couh cingj mwngz gwn ndok." Gangj sat couh daekieq fwngfwng buet hwnjdaeuj. Duzma lumj fagna q nei gyaep bae, yaep ndeu couh gaeb dawz duzdouq, de haengqrengz gamz dujrwz duzdouq, naeuz: "Ndei lo, baezneix gou ndaej gwn ndok mwngz lo."

Duzdouq hwk ndaej saenzded-ded, swnh duzma gangjavah, haengq-rengz baez yat, ndaej duetdeuz lo. Hoeng, aenvih yungh rengz lai, de caemj laemx lo, naengbak gwnz deng bungq sieng, naengbak gwnz leg baenz song limq lo, aenrwz hix deng beng raez lo.

Daj seizhaenx hwnj, duzdouq couh baenz naengbak miz sam limq, rwz raezram, rieng dinjdet, baez raen duzma couh buet.

(Ganh Sozvwngz/甘说文 hoiz)